



本家岳

春秋經傳集解

十三

二十三至  
二十四

875  
13



12



而祿  
瑞瑤

春秋經傳集解昭公四第二十三

杜氏 盡十七年

經十有三年春叔弓帥師圍費不書南蒯以費叛不以告

廟○費夏四月楚公子比自晉歸于楚弑其

君虔于乾谿比去晉而陳蔡猶列國也依陳蔡

靈王死故書弑其君靈王無道而弑稱臣比

非首謀而反書弑比雖脅立猶以罪加也靈

王死在五月故本其始禍以楚公子弃疾

殺公子比比雖為君而未列於諸侯故秋公

乾隆四十八年



會劉子晉侯齊侯宋公衛侯鄭伯曹伯莒子

邾子滕子薛伯杞伯小邾子于平丘平丘在陳留長

八月甲戌同盟于平丘垣縣西南

不與盟魯不堪晉求。讒慝弘多。公不與。盟非國惡。故不諱。晉人

執李孫意如以歸。公至自會。蔡侯廬歸于

蔡廬音盧。又力居反。陳侯吳歸于陳陳蔡皆受封于楚。故稱爵。諸侯

葬蔡靈公蔡復而後葬之。公如晉

至河乃復晉人辭公。吳滅州來州來楚邑。用大師焉。曰滅。

昭十三年

傳十三年春。叔弓圍費。弗克。敗焉為費人所敗。不書。諱

之。平子怒。令見費人。執之以為囚。俘冶區夫

曰。非也區夫。魯大夫。區。鳥侯反。一丘于反。若見費人。寒者衣

之。飢者食之。為之令主。而共其乏困。費來如

歸。南氏亡矣。民將叛之。誰與居邑。若憚之以

威懼之。以怒民疾而叛。為之聚也。若諸侯皆

然。費人無歸。不親南氏。將焉入矣。平子從之。

費人叛南氏費叛南氏。在明年。傳善區夫之謀。終言其效。

既反食音

乾隆四十八年

春秋卷三十三

二

嗣共音恭楚子之為令尹也。殺大司馬遠

掩而取其室。在襄三十年。及即位。奪遠居田。

居掩之族。言怨。遷許而質許圍。許大夫。在九年。圍。

致蔡洧有寵於王。王之滅蔡也。其父死焉。滅楚。

蔡在十一年。洧仕楚。其父王使與於守而行。

使洧守國。王行至乾谿。申之會。越大夫戮焉。

申會。在王奪鬪韋龜中。鬪。韋龜。今尹子文玄。

尺州。又奪成然邑。而使為郊尹。成然。韋龜子。

昭十三年

大蔓成然故事。蔡公。蔡公。弃疾也。故猶舊也。

然。故事之。故遠氏之族。及遠居。許圍。蔡洧。蔓

成。然皆王所不禮也。因羣喪職之族。啓越大

夫常壽過作亂。常壽過。申會所戮。圍固城。克

息舟城而居之。息舟。楚邑城。觀起之死也。其

子從在蔡。事朝吳。觀起。死在襄二十二年。朝

從。如字。曰。今不封蔡。蔡不封矣。我請試之。從觀

以父死怨楚。以蔡公之命。召子干。子皙。二子。皆靈

故欲試作亂。

王弟元年子干及郊而告之情告以蔡公強

與之盟入襲蔡蔡公將食見之而逃不知謀其

行其丈反觀從使子干食坎用牲加書而速已徇於

蔡已觀從也曰蔡公召二子將納之與之盟

而遣之矣將師而從之詐言蔡公將蔡人聚

將執之從執觀辭曰失賊成軍而殺余何益乃

釋之賊謂子干子皙也言蔡朝吳曰二三子

昭十二年

昭十二年

昭十二年

若能死亡則如違之以待所濟言若能為靈

待違蔡公之命以若求安定則如與之以濟所

欲言與蔡公則且違上何適而可言不可違

衆曰與之乃奉蔡公召二子而盟于鄧川

公子比子干公子黑肱子皙公子弃疾蔡蔓成然

蔡朝吳師陳蔡不羹許葉之師因四族之徒

四族遠氏許圍蔡洧蔓成以入楚及郊陳蔡

然羹音郎葉始涉反

然羹音郎葉始涉反

然羹音郎葉始涉反

然羹音郎葉始涉反

欲為名。故請為武軍。欲築壘壁以示後蔡公

知之。曰欲速且役病矣。請藩而已。乃藩為軍

也。藩籬蔡公使須務牟與史狎先入。因正僕人

殺犬子祿及公子罷敵。須務牟史狎楚大夫

子之近官。狎皮皆反。徐扶蟹反。又公子比

為王公子黑肱為令尹。次于魚陂。竟陵縣城

陂魚公子弃疾為司馬。先除王宮。使觀從從師

于乾谿。而遂告之。從乾谿之師。且曰先歸復

昭十三年

所後者。劓。劓截鼻。師及訾梁而潰。靈王還

而衆散。訾子斯反。王聞羣公子之死也。自投于車下。

曰。人之愛其子也。亦如余乎。侍者曰。甚焉。小

人老而無子。知擠于溝壑矣。擠隊也。王曰。

余殺人子多矣。能無及此乎。右尹子革曰。請

待于郊。以聽國人。聽國人之所與。王曰。衆怒不可犯

也。曰。若入於大都。而乞師於諸侯。王曰。皆叛

矣。曰。若亡於諸侯。以聽大國之圖。君也。王曰。

大福不再。祗取辱焉。然丹乃歸于楚。

然丹。子革。奔王。

歸。音支。○祗。

王泂夏將欲入鄢。

夏。漢別名。順流為泂。順漢水南至鄢。

○夏。上聲。鄢。反。一。於晚反。

芋尹無宇之子申亥曰。吾父

再奸王命。

謂斷王旌。執人於章華宮。○芋。于付反。又音羽。

王弗誅。惠

孰大焉。君不可忍。惠不可弃。吾其從王。乃求

王。遇諸棘闈。以歸。

棘。里名。闈。門也。

夏五月癸亥。王縊

于芋尹申亥氏。

癸亥。五月二十六日。皆在乙卯丙辰後。傳終言之。經書四

月。申亥以其二女殉而葬之。觀從謂子干曰。

昭十三年

不殺弃疾。雖得國。猶受禍也。子干曰。余不忍

也。子玉曰。人將忍子。

子玉。觀從。

吾不忍俟也。乃行。

國每夜駭曰。王入矣。

相恐以靈王也。

乙卯夜。弃疾使

周走而呼曰。王至矣。

周。徧也。○呼。好故反。

國人

大驚。使蔓成然走告子干。子干曰。王至矣。國

人殺君。司馬將來矣。

司馬。謂弃疾也。言司馬見殺以恐子干。

君

若早自圖也。可以無辱。衆怒如水火焉。不可

為謀。又有呼而走至者曰。衆至矣。二子皆自

殺不書弒君丙辰弃疾即位名曰熊居葬子

于于訾實訾敖不成君無號謚者楚皆謂之敖殺囚衣之王

服而流諸漢乃取而葬之以靖國人使子旗

為令尹子旗蔓成然楚師還自徐前年圍徐之師吳

人敗諸豫章獲其五帥定二年楚人伐吳師于豫章吳人見舟于

豫章而潛師于巢以軍楚師於豫章又柏舉之役吳人舍舟于淮內而自豫章與楚夾漢

此皆當在江北淮水南蓋後徙在江南豫章

尹平王封陳蔡復遷邑復九年致羣賂始舉

昭十三年

所貨施舍寬民宥罪舉職廢官脩召觀從王

曰唯爾所欲觀從教子干殺弃疾弃疾今對

曰臣之先佐開卜乃使為卜尹佐卜人使枝

如子躬聘于鄭且致犖櫟之田犖櫟本鄭邑

王新立故還以事畢弗致不知鄭自說服鄭人

請曰聞諸道路將命寡君以犖櫟敢請命對

曰臣未聞命既復王問犖櫟降服而對降服

謝違命也曰臣過失命未之致也王執其手曰



子毋勤。姑歸。不穀有事。其告子也。

王善其有權。有事將

復使他年。芋尹申亥以王柩告。乃改葬之初。

靈王卜曰。余尚得天下。尚庶幾不吉。投龜詬天。

而呼曰。是區區者而不余畀。區區。小天下。許

后反。呼余必自取之。民患王之無厭也。故從

亂如歸。初。共王無冢。適。冢。大也。○厭。於焉反。

同有寵子五人。無適立焉。乃大有事于羣望。

羣望。星辰。辰山川而祈曰。請神擇於五人者。使主社稷。

昭十二年

乃徧以璧見於羣望。曰。當璧而拜者。神所立

也。誰敢違之。既乃與巴姬密埋璧於大室之

庭。巴姬。共王妾。大室。祖廟。使五人齊而長入拜。從長幼

○齊。側皆反。康王跨之。過其上。也。○靈王肘

加焉。子干子皙皆遠之。平王弱。抱而入。再拜

皆厭紐。微見璧紐。以為審識。○肘。中九反。遠

反。識。申志。鬪韋龜屬成然焉。知其將立。故託

且曰。弃禮違命。楚其危哉。弃立長之禮。違當

亂之子干歸韓宣子問於叔向曰子干其濟乎

對曰難宣子曰同惡相求如市賈焉何難子宣

謂弃疾親恃子干共同好惡故言對曰無與

同好誰與同惡同好則疾本不與子干取國有

五難有寵而無人一也人寵須賢有人而無主

二也雖有賢人當有主而無謀三也謀策有

謀而無民四也衆有民而無德五也四者既

成德子干在晉十三年矣晉楚之從不聞達者

昭十二年

可謂無人晉楚之士從子族盡親叛可謂無

主無親族無釁而動可謂無謀召子干時楚

為羈終世可謂無民終身羈客在亡無愛徵

可謂無德楚人無愛王虐而不忌靈王暴虐

將自楚君子干涉五難以弑舊君誰能濟之

言楚借君子干以有楚國者其弃疾乎君陳

蔡城外屬焉既死弃疾并領陳事苛慝不作

盜賊伏隱私欲不違事○苛音何民無怨

心先神命之先神謂國民信之羣望平姓有亂必

季實立楚之常也獲神一也當璧拜有民

二也民信令德三也無苛寵貴四也子貴妃居

常五也季弃疾有五利以去五難誰能害之子

干之官則右尹也數其貴寵則庶子也以神

所命則又遠之其貴亡矣位不尊○去起呂

無又其寵弃矣沒故民無懷焉非今國無與

焉無內將何以立宣子曰齊桓晉文不亦是

昭十三年

乎皆庶對曰齊桓衛姬之子也有寵於僖衛姬

公齊僖有鮑叔牙賓須無隰朋以為輔佐有莒

衛以為外主齊桓出奔莒衛有國高以為內

主國氏高氏從善如流言其疾也下善齊肅齊嚴肅

敬也○不藏賄清也不從欲子儉也○從施舍不

倦施舍猶言求善不厭是以有國不亦宜乎

我先君文公狐季姬之子也有寵於獻好學

而不貳言篤生十七年有士五人狐偃趙衰

乾隆四十八年

春秋三

十一

顯頡魏武

子司空季子五士從出有先大夫子餘子犯

以為腹心子餘趙衰有魏驥賈佗以為股肱

魏驥魏武子也稱五人而說四士有齊宋秦

楚以為外主齊妻以女宋贈以馬有欒郤狐

先以為內主謂欒枝郤穀狐突先軫也亡十

九年守志彌篤惠懷弃民惠公懷公民從而

與之獻無異親民無異望獻公之子九天方

相晉將何以代文此二君者異於子干共有

昭十三年

寵子國有與主謂弃疾也無施於民無援於

外去晉而不送歸楚而不逆何以冀國子干言

所以蒙弒君之名弃疾反晉成虎祁在八年

諸侯朝而歸者皆有貳心賤其奢也為取鄭故取

在十年為于晉將以諸侯來討叔向曰諸

侯不可以不示威知晉德薄欲乃竝徵會告

于吳秋晉侯會吳子于良下邳有水道不可

吳子辭乃還辭不七月丙寅治兵于邾南甲

車四千乘三十萬人羊舌鮒攝司馬鮒叔向弟也遂

合諸侯于平丘子產子大叔相鄭伯以會子

產以幄幕九張行幄幕軍旅之帳子大叔以四十既

而悔之每舍損焉及會亦如之亦九張也傳

宜犬叔次于衛地叔鮒求貨於衛淫芻蕘者

欲使衛患之而致衛人使屠伯饋叔向羹與

一篋錦屠伯衛大夫曰諸侯事晉未敢攜貳況衛

在君之宇下屋宇之下而敢有異志芻蕘者

昭十二年

異於他日敢請之請止叔向受羹反錦受羹示不

逆其意曰晉有羊舌鮒者瀆貨無厭瀆數也

且非貨亦將及矣將及為此役也役事子若以君

命賜之其已客從之未退而禁之禁芻晉人

將尋盟齊人不可有貳晉侯使叔向告劉獻

公獻公王卿曰抑齊人不盟若之何對曰盟

以底信底致君苟有信諸侯不貳何患焉告

之以文辭董之以武師雖齊不許君庸多矣

董督也庸功也討天子之老請帥王賦元戎

十乘以先啓行天子大夫稱老元戎戎車遲

速唯君欲佐晉叔向告于齊曰諸侯求盟已

在此矣今君弗利寡君以為請對曰諸侯討

貳則有尋盟若皆用命何盟之尋託用命叔

向曰國家之敗有事而無業事則不經業貢

業有業而無禮經則不序須禮而有禮而無

威序則不共禮須威嚴有威而不昭共則不

昭十三年

明威須昭告神明不明弃共百事不終所由

傾覆也信義不明則弃威不威弃禮無是故

明王之制使諸侯歲聘以志業志識也歲聘

間朝以講禮三年而一之朝正班爵之義再朝

而會以示威六年而一之制財用之節再會而盟

以顯昭明八年聘四朝而一再會王以巡守盟于方

下嶽之志業於好呼聘也反好講禮於等朝示威

於衆也昭明於神也自古以來未之或失也

存亡之道恒由是與晉禮主盟依先王先公舊禮主諸侯

盟懼有不治奉承齊犧齊盟之犧許宜反而布諸

君求終事也也終竟君曰余必廢之何齊之有

唯君圖之寡君聞命矣齊人懼對曰小國言

之大國制之敢不聽從既聞命矣敬共以往

遲速唯君叔向曰諸侯有間矣也間隙不可以

不示衆八月辛未治兵習戰建而不旆建不旆

其旆旆游也壬申復旆之諸侯畏之軍將戰則旆故曳旆以恐

昭十二年

之○復邾人莒人愬于晉曰魯朝夕伐我幾

亡矣自昭公即位邾魯同好又無朝夕伐莒無故怨愬晉人信之所謂讒慝弘多

我之不共魯故之以不共晉貢也晉侯不見公

使叔向來辭曰諸侯將以甲戌盟寡君知不

得事君矣請君無勤託謙辭以絕魯子服惠伯對曰

君信蠻夷之訴蠻夷謂邾莒以絕兄弟之國弃周

公之後亦唯君寡君聞命矣叔向曰寡君有

甲車四千乘在雖以無道行之必可畏也況

其幸道其何敵之有牛雖瘠債於豚上其畏

不死債。什也。南蒯子仲之憂其庸可弃乎。

弃猶也。若奉晉之衆用諸侯之師因邾莒杞鄆

之怒四國近魯數以小事相忿鄆已滅其民猶存故并以恐魯以討魯罪

聞其二憂二憂為南蒯子仲間隙何求而弗克魯人懼

聽命與不敢甲戌同盟于平丘齊服也經所以

令諸侯日中造于除除地為壇盟會處造七報反壇音善癸

酉退朝先盟朝晉先悉薦反子產命外僕速張於除

昭十二年

張幄幕子大叔止之使待明日及夕子產聞其

未張也使速往乃無所張矣地已滿也傳言子產每事敏於

叔及盟子產爭承承貢賦之次曰昔天子班貢輕

重以列列位也列尊貢重周之制也公侯地廣故所貢者

多甲而貢重者甸服也甸服謂天子畿內共職貢者鄭伯

男也而使從公侯之貢列言鄭國在甸服外爵

侯之懼弗給也敢以為請諸侯靖兵好以為

事靖息也。好呼報反。行理之命行理使人通聘問者無月不至。



貢之無藝制藝法小國有闕所以得罪也諸侯

脩盟存小國也貢獻無極亡可待也存亡之

制將在今矣自日中以爭至于昏晉人許之

既盟子大叔咎之曰諸侯若討其可瀆乎易瀆

也○易子產曰晉政多門政不出家貳偷之不

暇何暇討貳不壹國不競亦陵何國之為不競

爭則為人所侵公不與盟信邾莒之誑晉人

執季孫意如以幕蒙之蒙裹使狄人守之司

昭十二年

鐸射魯大夫○射食懷錦奉壺飲冰以蒲伏

焉守者御之乃與之錦而入蒲伏竊往飲季

以取飲○奉芳勇反蒲步都反又音扶伏蒲

北反又音服御魚呂反飲於鳩反音扶童又

晉人以平子歸子服湫從湫子服惠伯從

已決已猶無為為善矣唯夫子知我言子皮知

仲尼謂子產於是行也足以為國基矣詩曰

樂旨君子邦家之基詩小雅言樂與君子

產君子之求樂者也。且曰：合諸侯，藝貢事，禮

也。嫌以爭競不順。故以禮明之。鮮虞人聞晉師之悉起也。五年

傳曰：遺守四千。今甲車四千乘。故為悉起。而不警邊，且不脩備。言夷

狄無謀。晉荀吳自著雍以上軍侵鮮虞，及中人

驅衝競。中山望都縣西北有中城。驅衝車與狄爭逐。大獲而歸。十為

五年晉伐鮮虞起。楚之滅蔡也，靈王遷許胡沈道房

申於荆焉。平王即位，既封陳蔡，而皆復之禮

也。滅蔡在十一年。許胡沈小國也。道房申皆故諸侯。楚滅以為邑。荆荆山也。傳言平王

昭十三年

得安民之禮。汝南隱太子之子廬歸于蔡禮

也。隱太子天子有也。廬蔡平侯。悼太子之子吳歸于陳禮

也。悼太子偃師也。吳陳惠公。冬十月葬蔡靈公禮也。國復成禮

以葬也。此陳蔡事。傳皆言禮。嫌楚所封不得比諸侯。故明之。公如晉荀吳

謂韓宣子曰：諸侯相朝講舊好也，執其卿而

朝其君，有不好焉，不如辭之。乃使士景伯辭

公于河。景伯士文伯之子彌也。舊好呼報反。吳滅州來，令尹

子旗請伐吳。王弗許，曰：吾未撫民人，未事鬼

神未脩守備未定國家而用民力敗不可悔

州來在吳猶在楚也子姑待之傳言平王所以能有國

季孫猶在晉子服惠伯私於中行穆子私與之語

曰魯事晉何以不如夷之小國魯兄弟也土

地猶大所命能具若為夷弃之使事齊楚其

何瘳於晉瘳差也。○為干偽反下同親親與大賞共罰否

所以為盟主也子其圖之諺曰臣一主二言

臣必有二主道不合得去事他國吾豈無大國言非獨晉可事穆子

昭十三年

告韓宣子且曰楚滅陳蔡不能救而為夷執

親將焉用之乃歸季孫惠伯曰寡君未知其

罪合諸侯而執其老老尊卿稱若猶有罪死命可

也死晉命也若曰無罪而惠免之諸侯不聞是逃

命也何免之為請從君惠於會欲得盟會見遣不欲私去

宣子患之謂叔向曰子能歸季孫乎對曰不

能鮒也能鮒魚叔乃使叔魚叔魚見季孫曰昔

鮒也得罪於晉君自歸於魯君蓋襄二十一年坐叔虎與

樂氏黨微武子之賜不至於今武子季平子祖父雖

獲歸骨於晉猶子則肉之敢不盡情歸子而

不歸鮒也聞諸吏將為子除館於西河西使近河

其若之何且泣泣以信平子懼先歸惠伯待

禮待見遣之禮

經十有四年春意如至自晉書至者喜得免三月曹

伯滕卒無傳四同盟夏四月無傳葬曹武公無八

月莒子去疾卒未同盟呂反冬莒殺其公子意

昭十四年

恢以禍亂告不必繫於為卿故雖公子亦書

意恢與亂君為黨故書名惡之

傳十四年春意如至自晉尊晉罪已也以舍族為

尊晉罪已禮脩己而南蒯之

將叛也盟費人司徒老祁慮癸二人南蒯家臣僂癈

疾使請於南蒯曰臣願受盟而疾興若以君

靈不死請待間而盟間差也許之二子因

民之欲叛也請朝衆而盟欲因合衆遂劫南

蒯曰羣臣不忘其君季氏謂畏子以及今三年

聽命矣子若弗圖費人不忍其君將不能畏

子矣子不能復畏子以及今絕子○畏子何所不逞欲請送

子送使奔請期五日南蒯請期冀有變遂奔齊侍飲酒

於景公公曰叛夫戲對曰臣欲張公室也張強

也子韓皙曰齊大夫家臣而欲張公室罪莫大

焉言越職司徒老祁慮癸來歸費歸魯齊侯使鮑

文子致之南蒯雖叛費人不從未專屬齊二子逐蒯而復其舊故經不書歸費

昭十四年

齊使文子致邑欲夏楚子使然丹簡上國之

兵於宗丘且撫其民上國在國都之西西方居上流故謂之上國宗

地丘楚分貧振窮分與也振救也○長孤幼養

老疾收介特介特單身民也○長丁收養不救災患

宥孤寡寬其稅赦罪戾詰姦慝詰責問也○舉

淹滯淹滯有才德而未敘者禮新敘舊新羈旅也祿勲合親

勲親九族也任良物官物事使屈罷簡東國之兵

於召陵兵在國都之東者○亦如之如然好

於邊疆結好四鄰。○息民五年而後用師禮。

也。秋八月莒著丘公卒。郊公不感郊公著丘。

直居反。徐直據反。國人弗順。欲立著丘公之弟庚與

○庚與莒共公。蒲餘侯惡公子意恢而善於庚

與蒲餘侯。莒大夫。茲夫也。意恢。莒羣公子。○惡。烏路反。下同。郊公惡公子

鐸而善於意恢鐸亦羣公子。公子鐸因蒲餘侯而

與之謀曰。爾殺意恢。我出君而納庚與許之

為下冬殺意恢傳。楚令尹子旗有德於王。不知度有佐。

昭十四年

立之。與養氏比而求無厭養氏。子旗之黨。養由基之後。○比。毗

志反。厭。於鹽反。王患之。九月甲午。楚子殺鬬成然而

滅養氏之族。使鬬辛居鄭。以無忘舊勲辛。子旗之

○子鄭公辛。冬十二月。蒲餘侯茲夫殺莒公子

意恢。郊公奔齊。公子鐸逆庚與於齊。齊隰黨

公子鉏送之。有賂田莒賂齊。晉邢侯與雍子

爭鄆田邢侯。楚申公巫臣之子也。雍子亦久

而無成。士景伯如楚士景伯。攝理。叔魚攝理攝。代。

韓宣子命斷舊獄罪在雍子。雍子納其女於

叔魚。叔魚蔽罪邢侯。蔽斷也。亂反。蔽必世反。邢侯怒。

殺叔魚與雍子於朝。宣子問其罪於叔向。叔

向曰：三人同罪。施生戮死可也。施行也。雍子自

知其罪而賂以買直。鮒也鬻獄。邢侯專殺其

罪一也。已惡而掠美為昏。掠取也。昏亂也。鬻羊六反。掠音亮。

貪以敗官為墨。墨不潔之稱。如字。敗殺人不忌。

為賊也。忌畏也。夏書曰：昏墨賊殺。逸書三者皆死刑。臯陶

昭十四年

之刑也。請從之。乃施邢侯而尸雍子與叔魚

於市。仲尼曰：叔向古之遺直也。言叔向之直。有古人遺風。

注○施如字。孔晁反。治國制刑不隱於親。謂國之大問已

所答當也。至於他事則宜有隱。○當丁浪反。三數叔魚之惡不為

末減。末薄也。減輕也。皆以正言反。曰義也。夫可

謂直矣。於義未安。直則有之。平丘之會數其

賄也。謂言瀆貨無厭。以寬衛國。晉不為暴。歸魯季孫

稱其詐也。謂言鮒也。能。以寬魯國。晉不為虐。邢侯

乾隆四十八年

春秋左傳

卷之三

武英殿傳宋本  
之獄言其貪也。以正刑書。晉不為頗。三言而

除三惡。加三利。三惡。暴虐頗也。三惡。除殺親則三利。加。頗。普。何。反。

益榮。榮名。益已。猶義也。夫。三罪。唯答宜子問。不可。以。不。正。其。餘。則。以。直。傷。

疑之。義。故。重。

經十有五年。春。王正月。吳子夷末卒。無傳。未。同盟。

二月。癸酉。有事于武宮。籥入。叔弓卒。去樂卒。

事。略書有事。為叔弓卒起也。武宮。魯武公廟。成六年復立之。去。起。呂反。夏。蔡

朝。吳出奔鄭。朝。吳不遠。讒人。所。以。見。逐。而。書。名。六月。丁巳朔。

昭十五年

日有食之。無秋。晉荀吳帥師伐鮮虞。冬。公如

晉

傳十五年。春。將禘于武公。戒百官。齊梓慎曰。

禘之日。其有咎乎。吾見赤黑之禋。非祭祥也。

喪氛也。禋。妖氛也。蓋見於宗廟。故以為非祭。祥也。氛。惡氣也。禘。子鳩反。氛。芳云。

反。其在泣事乎。泣。臨也。二月。癸酉。禘。叔弓泣事。

籥入而卒。去樂卒。事禮也。大臣卒。故為之去。樂。去。起。呂反。

楚費無極害朝。吳之在蔡也。朝。吳。蔡大夫。有。功。於。楚。平王。故。



無極恐其有寵疾欲去之乃謂之曰王唯信  
害之○費扶味反子故處子於蔡子亦長矣而在下位辱必求  
 之吾助子請請上求位又謂其上之人蔡人在上曰  
 王唯信吳故處諸蔡二三子莫之如也而在  
 其上不亦難乎弗圖必及於難夏蔡人逐朝  
 吳朝吳出奔鄭王怒曰余唯信吳故實諸蔡  
 且微吳吾不及此女何故去之無極對曰臣  
 豈不欲吳非不欲善吳○然而前知其為人  
於難乃且反

昭十五年

之異也

言其多

吳在蔡蔡必速飛去吳所以

翦其翼也

以鳥喻也言吳在蔡必

六月乙丑

王太子壽卒

周景王子

秋八月戊寅王穆后崩子大

驟

壽之母也傳為晉荀

晉荀吳帥師伐鮮虞圍

鼓

鼓白狄之別鉅鹿

鼓人或請以城叛穆子

弗許左右曰師徒不勤而可以獲城何故不

為穆子曰吾聞諸叔向曰好惡不愆民知所

適事無不濟

愆過也

或以吾城叛吾所甚惡

也。人以城來。吾獨何好焉。賞所甚惡。若所好何。無所以復加所好。若其弗賞。是失信也。何以庇民。力能則進。否則退。量力而行。吾不可以欲城而邇姦。所喪滋多。使鼓人殺叛人。而繕守備。圍鼓三月。鼓人或請降。使其民見曰。猶有食色。姑脩而城。軍吏曰。獲城而弗取。勤民而頓兵。何以事君。穆子曰。吾以事君也。獲一邑而教民怠。將焉用邑。邑以賈怠。不如完舊。完猶保守。見

昭十五年

賢遍反。賈音古。下同。賈怠無卒。卒。終也。弃舊不祥。鼓人能

事其君。我亦能事吾君。率義不爽。爽。差也。好惡

不愆。城可獲而民知義所。必知義所。枉也。苟吳

示有死命而無二心。不亦可乎。鼓人告食竭

力盡。而後取之。克鼓而反。不戮一人。以鼓子

戴鞮歸。戴鞮。鼓君名。○戴冬。公如晉。平丘之

會故也。平丘。會公不與盟。季孫見十二月。晉

荀躒如周葬穆后。籍談為介。既葬除喪。以文

伯宴樽以魯壺文伯荀醜也魯壺魯所王曰

伯氏諸侯皆有以鎮撫王室晉獨無有何也

感魯壺而言也鎮撫王室謂貢獻之物文伯揖籍談文伯無辭揖籍談使

對曰諸侯之封也皆受明器於王室謂明德之

分器反以鎮撫其社稷故能薦彝器於王

薦獻也彝常也謂可常寶之器若魯壺之屬晉居深山戎狄之與

鄰而遠於王室王靈不及拜戎不暇言王寵靈不見

及故數為戎所加陵其何以獻器王曰叔氏

昭十五年

而忘諸乎叔籍叔父唐叔成王之母弟也其

反無分乎密須之鼓與其大路文所以大蒐

也密須姑姓國也在安定陰密縣文王闕鞏

之甲武所以克商也闕鞏國所出鎧唐叔受

之以處參虛匡有戎狄參虛實沈之次晉之

其後襄之二路周襄王所賜晉路鉞鉞鉅鬯鉞鉞鉅鬯

也鉞金鉞鉅黑黍鬯香彤弓虎賁文公受之

以有南陽之田事在僖二撫征東夏非分而

何夫有勲而不廢加重有績而載書功於策奉之

以土田陽有南撫之以彝器弓鉞之屬旌之以車服

襄之路明之以文章旌旗子孫不忘所謂福也福

祚之不登叔父焉誰言福祚不在叔父當在

父絕且昔而高祖孫伯鸞司晉之典籍以為

大政故曰籍氏孫伯鸞晉正卿籍談及辛有

之二子董之晉於是乎有董史辛有周人也

為大史籍鸞與之共董督女司典之後也何

昭十五年

故忘之籍談不能對賓出王曰籍父其無後

乎數典而忘其祖忘祖業女音籍談歸以

告叔向叔向曰王其不終乎吾聞之所樂必

卒焉今王樂憂若卒以憂不可謂終王一歲

而有三年之喪二焉天子絕期唯服三年故

其反於是乎以喪賓宴又求彝器樂憂甚

矣且非禮也彝器之來嘉功之由非由喪也

三年之喪雖貴遂服禮也天子諸侯除喪當

而除故譏王雖弗遂宴樂以早亦非禮也言

其不遂雖不能遂服猶當靜嘿而便禮王之大經也言

一動而失二禮無大經矣失二禮又設宴樂

以考典考成也典以志經忘經而多言舉典將

焉用之為二十二年王室亂傳

經十有六年春齊侯伐徐楚子誘戎蠻子殺

之夏公至自晉秋八月己亥晉侯夷卒未同盟

九月大雩季孫意如如晉冬十月葬昭公三月

昭十五年

而葬

傳十六年春王正月公在晉晉人止公不書

諱之也猶以取耶故也公為晉齊侯伐徐楚

子聞蠻氏之亂也與蠻子之無質也質信也

使然丹誘戎蠻子嘉殺之遂取蠻氏

既而復立其子焉禮也詐之非也立其子禮

有蠻二月丙申齊師至于蒲隧蒲隧徐地東

徐人行成徐子及郟

有蒲如陂音秋下力居反遂取

遂取

遂取

遂取

遂取

人莒人會齊侯盟于蒲隧賂以甲父之鼎甲父古國名高平昌邑縣東南有甲父亭徐人得甲父鼎以賂齊叔孫昭子曰

諸侯之無伯害哉為小國害齊君之無道也興師而伐遠方會之有成而還莫之亢也無亢無

伯也夫詩曰宗周既滅靡所止戾正大夫離

居莫知我肄詩小雅戾定也肄勞也言周舊為天下宗今乃衰滅亂無息定

念執政大夫離居異心無有制反其是之謂乎晉傳言

衰三月晉韓起聘于鄭鄭伯享之子產戒曰

苟有位於朝無有不共恪孔張後至立於客

間孔張子孫執政禦之執政掌位列適客後又

禦之適縣間縣音懸客從而笑之事畢富

子諫富子鄭大夫曰夫大國之人不可不慎

也幾為之笑而不陵我言數見笑則必陵侮

機我皆有禮夫猶鄙我鄙賤也國而無禮

何以求榮孔張失位吾子之恥也子產怒曰

發命之不衷衷當也出令之不信刑

仲反又音忠

乾隆四十八年

春秋卷三十三

昭十六年

昭十六年

之頗類

緣事類以成偏頗。類多反。類如字。一偏頗對反。

普獄之放紛

放。縱也。紛。亂也。

會朝之不敬

謂國無禮。敬之。心。

使命之不聽

下不從。

取陵於大國。罷民而無功。罪及而弗

知。僑之恥也。孔張君之昆孫。子孔之後也。昆。兄。

也。子孔。鄭襄公兄。孔張之祖父。○罷。音皮。執政之嗣也。鄭國之政。

為嗣大夫。承命以使。周於諸侯。國人所尊。諸

侯所知。立於朝而祀於家。卿得自立廟於家。○使。所吏反。有

祿於國。受祿邑。有賦於軍。軍出。卿賦百乘。喪祭有職。所有

昭十六年

主受脰歸脰

謂大夫祭歸肉於公。皆社之戎。謂大夫祭以肉賜大夫。歸脰。

祭也。○脰。市軫反。其祭在廟。已有著位。在位數世。世

守其業。而忘其所僑焉。得恥之。其祭在廟。謂助君祭。○數。

色主。辟邪之人。而皆及執政。是先王無刑罰

也。言為過謬者。自應用刑罰。○辟。匹亦反。子寧以他規我。規。正也。

宣子有環。其一在鄭商。玉環。同工。共。宣子。謁。朴。自共為雙。

諸鄭伯。謁。請也。子產弗與。曰。非官府之守器也。

寡君不知。子大叔。子羽。謂子產曰。韓子亦無

乾隆四十八年

春秋左傳

卷之三

幾求言所求少。○晉國亦未可以貳。晉國韓子不可偷也。偷薄也。若屬有讒人交鬪其間。鬼神而助之。以興其凶怒。悔之何及。吾子何愛於一環。其以取憎於大國也。盍求而與之。子產曰。吾非偷晉而有二心。將終事之。是以弗與。忠信故也。僑聞君子非無賄之難。立而無令名之患。僑聞為國非不能事大字小之難。無禮以定其位之患。夫大國之人。令於小國。

昭十六年

而皆獲其求。將何以給之。一共一否。為罪滋

大

滋益也。且反。又如字。

屬音燭。難乃。

大國之求。無禮以

斥之。何饜之有。吾且為鄙邑。則失位矣。

不復成國。

○

饜於鹽反。

若韓子奉命以使。而求玉焉。貪淫甚

矣。獨非罪乎。出一玉以起二罪。吾又失位。韓

子成貪。將焉用之。且吾以玉賈罪。不亦銳乎。

○

銳細小也。賈音古。

韓子買諸賈人。既成賈矣。商人曰。

必告君大夫。韓子請諸子產。曰。日起請夫環。



執政弗義弗敢復也。復重求也。成賈音嫁。請夫音扶。重直用反。

今買諸商人。商人曰：必以聞，敢以為請。子產

對曰：昔我先君桓公與商人皆出自周。鄭本

畿內桓公東遷。庸次比耦。庸用也。用次更相。并與商人俱。從耦耕。比毗志。

反以艾殺此地，斬之蓬蒿藜藿而共處之。世

有盟誓以相信也。曰：爾無我叛，我無強賈。強無

市其物。艾魚廢反。藿徒弔反。強其丈反。下強奪同。又其良反。毋或勾奪。爾

有利市寶賄，我勿與知。恃此質誓，故能相保。

昭十六年

以至于今。今吾子以好來辱，而謂敝邑強奪

商人，是教敝邑背盟誓也。毋乃不可乎？吾子

得玉而失諸侯，必不為也。若大國令而共無

藝。藝法也。鄭鄙邑也，亦弗為也。邑不欲為鄙事。僑若

獻玉，不知所成，敢私布之。布陳也。韓子辭玉曰：

起不敏，敢求玉以徼二罪，敢辭之。傳言子產知禮。宣子產

能改過。古堯反。夏四月，鄭六卿餞宣子於郊。餞送

酒。宣子曰：二三君子請皆賦，起亦以知鄭志。

詩言子齋賦野有蔓草子齋子皮之子嬰齊也。野有蔓草。詩鄭風。

取其邂逅相遇。適我願兮。反宣子曰。孺子善哉。

吾有望矣。君子相願也。子產賦鄭之羔裘。別於鄭。

唐羔裘也。取其彼己之音。記舍音放。又音捨。宜

子曰。起不堪也。不堪國子大叔賦褰裳。詩曰。

子惠思我。褰裳涉溱。子不我思。豈無他人。言

宣子思已。將有褰裳之志。如不我思。亦豈無

人。宣子曰。起在此。敢勤子至於他人乎。言已

好在。此不復。子大叔拜。謝宣子。宣子曰。善哉。

昭十六年

子之言是。是褰不有是事。其能終乎。韓起不

求他。所以晉鄭終善。以子游賦風雨。之子游。帶

也。風雨。詩取其既。子旗賦有女同車。孫段之

見。君子。云胡不夷。子旗賦有女同車。孫段之

愛。豐施也。有女同車。取其洵美且都。子柳賦

擇兮。予和女。言宣子倡。已將和從之。擇他

洛。宣子喜曰。鄭其庶乎。興盛於二三君子以

君命。貺起。賦不出。鄭志。六詩皆鄭風。故皆昵

燕好也。昵。親也。賦不出。其國。以二三君子數

乾隆四十八年

春秋左傳卷之三

三

世之主也。可以無懼矣。宣子皆獻馬焉。而賦

我將。我將。詩頌。取其日靖四方。我其夙夜。子

產拜。使五卿皆拜。曰。吾子靖亂。敢不拜德。宣

子私覲於子產。以玉與馬。曰。子命起舍夫玉。

是賜我玉而免吾死也。敢不藉手以拜。以玉藉

謝手拜公至自晉。晉聽公歸子服昭伯語季平子。昭伯

惠伯之子子服回也。隨公從晉還。曰。晉之公室其將遂卑矣。

君幼弱。六卿彊而奢傲。將因是以習。習實為

昭十六年

常能無卑乎。平子曰。爾幼惡識國。昭伯尚少。不信

其言。惡。秋八月。晉昭公卒。為下平子。不信。九月。

大雩。旱也。鄭大旱。使屠擊祝款。豎柎有事於

桑山。三子。鄭大夫。有事祭也。斬其木。不雨。子

產曰。有事于山。藝山林也。藝。養護。今繁。而斬

其木。其罪大矣。奪之官邑。冬十月。季平子如

晉。葬昭公。平子曰。子服回之言猶信之。自往見

回。子服氏有子哉。有賢子也。

經十有七年春小邾子來朝夏六月甲戌朔

日有食之秋郟子來朝八月晉荀吳帥師滅

陸渾之戎門○渾戶反冬有星孛于大辰大辰房心尾也

妖變非常故楚人及吳戰于長岸吳楚兩敗莫肯告負

故但書戰而不書敗也長岸楚地

傳十七年春小邾穆公來朝公與之燕季平

子賦采叔采叔詩小雅取其君子來朝穆公

賦菁菁者莪菁菁者莪亦詩小雅取其既見君子樂且有儀以答采叔昭

昭十七年

子曰不有以國其能久乎嘉其能答賦言其賢故能久有國

夏六月甲戌朔日有食之祝史請所用幣禮

幣陽之月日食當用幣於社故請之昭子曰日有食之天子不

舉不舉盛饌伐鼓於社責羣陰諸侯用幣於社請上

伐鼓於朝退自責禮也平子禦之禦禁也曰止也

唯正月朔慝未作日有食之於是乎有伐鼓

用幣禮也其餘則否大史曰在此月也正月謂建

巳正陽之月也於周為六月於夏為四月慝陰氣也四月純陽用事陰氣未動而侵陽災

重。故有伐鼓用幣之禮也。平子以為六月日

過分而未至。過春分而三辰有災。星也。日月

相侵。又犯是宿。於是乎百官降物。素服。君不

舉。辟移時。辟正寢。過樂奏鼓。祝用幣。於幣

史用辭。自責。以故夏書曰。辰不集于房。逸書

不安也。房舍也。日月。瞽奏鼓。嗇夫馳庶人

走。車馬曰馳。步曰走。此月朔之謂也。當夏四

月。謂之孟夏。言此六月。當夏四月。平子弗從。昭子退

昭十七年

曰。夫子將有異志。不君君矣。安君之災。故秋

郊子來朝。公與之宴。昭子問焉。曰。少皞氏鳥

名官。何故也。少皞。金天氏。黃帝之子。已姓。郊

子曰。吾祖也。我知之。昔者黃帝氏以雲紀。故

為雲師而雲名。黃帝軒轅氏。姬姓。之祖也。黃

百官師長皆以雲為名。號。音進。炎帝氏以火紀。

故為火師而火名。炎帝。神農氏。姜姓。之祖也。

官。共工氏以水紀。故為水師而水名。共工。諸侯霸

武英殿仿宋本

有九州者。在神農前。犬皞後。亦大皞氏以龍

紀。故為龍師而龍名也。犬皞。伏犧氏。風姓之祖。故以龍命官。

我高祖少皞摯之立也。鳳鳥適至。故紀於鳥。

為鳥師而鳥名。鳳鳥氏。歷正也。故以名歷正。

之。玄鳥氏。司分者也。玄鳥。燕也。以春秋分去。

司至者也。伯趙。伯勞也。以青鳥氏。司啓者也。

青鳥。鶡也。以立春鳴。立丹鳥氏。司閉者也。

丹鳥。鶡也。以立秋來。立冬去。入大水為蜃。

昭十七年

反祝鳩氏。司徒也。祝鳩。鷦鷯也。鷦鷯。音焦。故為

鳴鳩氏。司馬也。鳴鳩。王鳴也。鷦鷯。而有別。故為

至。鳴鳩氏。司空也。為鳴鳩。鳴鳩。平水也。鳴鳩。平均。故

反。爽鳩氏。司寇也。爽鳩。鷹也。鷦鷯。故鷦鷯

鳩氏。司事也。鷦鷯。鷦鷯。春來。五鳩。鳩氏者

也。聚。故以鳩為名。五雉。為五工正。五雉。雉有

曰。鷦鷯。雉。東方曰鷦鷯。雉。南方曰翟。雉。北方曰鷦鷯。

音。遵。鷦鷯。側。其。反。翟。音狄。又。利器用。正度量。夷

如。字。鷦鷯。香。衣。反。翟。許。韋。反。利器用。正度量。夷

乾隆四十八年

武英殿仿宋本 春秋三十三

民者也。夷平也。○九扈為九農正也。春扈鵠。

鵠夏扈竊玄。秋扈竊藍。冬扈竊黃。棘扈竊丹。行扈昔宵。扈噴噴。桑扈竊脂。老扈鷄鷄。以

九扈為九農之號。各隨其宜。以教民事。○扈音戶。鵠扶云反。鵠勅倫反。昔則百反。又助額。

反。音噴。音責。扈民無淫者也。使不淫。故自顓

頊以來不能紀遠。乃紀於近為民師。而命以

民事則不能故也。顓頊氏代少皞者。德不能

仲尼聞之見於郊子而學之。於是仲尼既而

告人曰吾聞之天子失官學在四夷猶信。官失

昭十七年

官不脩其職也。傳晉侯使屠蒯如周請有事

於雒與三塗。屠蒯晉侯之膳宰也。以忠諫見

南○蒯荑弘謂劉子曰客容猛非祭也其伐

戎乎陸渾氏甚睦於楚必是故也君其備之

乃警戎備。警戒以備戎也。九月丁卯晉荀吳

帥師涉自棘津。名河津使祭史先用牲于雒陸

渾人弗知師從之庚午遂滅陸渾數之以其

貳於楚也陸渾子奔楚其眾奔甘鹿。甘鹿周

周

乾隆四十八年

春秋三十三

三十一

大獲先警戎備故獲宣子夢文公攜荀吳而授之陸

渾故使穆子帥師獻俘于文宮應夢以冬有星

孛于大辰西及漢夏之八月辰星見在天漢西今孛星出辰西先芒東

及天申須曰彗所以除舊布新也申須魯大夫彗似

銳反又天事恆象天道恆以象類告示人今除於火

出必布焉諸侯其有火災乎今火向伏故知當須火出乃布

散為梓慎曰往年吾見之是其徵也徵始有

也微火出而見前年火出時見賢遍反今茲火出而章必

昭十七年

火入而伏隨火也其居火也久矣歷二年其與不

然乎言必然也與火出於夏為三月謂昏

於商為四月於周為五月夏數得天得天若

火作其四國當之在宋衛陳鄭平宋大辰之

虛也大辰大火宋分野陳大皞之虛也大皞居陳

木出所鄭祝融之虛也祝融高辛氏皆火房

也房舍星孛及漢漢水祥也天漢水也衛顓頊之

虛也故為帝丘衛今濮陽縣昔帝顓頊豕其星



為大水衛星營室水也水火之牡也牡雄也其以丙

子若壬午作乎水火所以合也丙午火壬子水水火合而

相薄水少而火多故若火入而伏必以壬午

尚未知名言若當復隨火星不過其見之月

俱伏不故言若復扶又反之五月周鄭裨竈言於子產曰宋衛陳鄭將同

日火若我用瓘竿玉瓚鄭必不火瓘珪也竿玉爵也瓚

勺也欲以禳火裨婢支反竿子產弗與為

為天災流行非禳所息故也吳伐楚陽匄為令

昭十七年

尹卜戰不吉陽匄穆王曾司馬子魚曰我得

上流何故不吉子魚公子魴也順江而且楚

故司馬令龜我請改卜今日魴也以其屬死

之楚師繼之尚大克之吉得吉戰于長岸子

魚先死楚師繼之大敗吳師獲其乘舟餘皇

如餘皇舟名使隨人與後至者守之環而

塹之及泉環周也盈其隧炭陳以待命

入隧出吳公子光諸樊請於其眾曰喪先王

乾隆四十八年 春秋左傳卷之四十一

之乘舟。豈唯光之罪。眾亦有焉。請藉取之以

救死。藉。眾之力。以取舟。眾許之。使長鬣者三人。長鬣。多鬣。

鬣。與吳人異形狀。詐為楚人。鬣力。輒反。潛伏於舟側。曰。我呼餘

皇。則對。師夜從之。師。吳師也。呼。路反。又如字。三呼。皆迭

對。迭。更也。楚人從而殺之。楚師亂。吳人大敗之。

取餘皇以歸。傳言吳光有謀。

而祿 瑞琅

春秋經傳集解昭公四第二十三

昭十七年

舉人臣陳昶敬書

春秋卷二十三考證

十三年傳詩曰樂旨君子邦家之基。註言樂與君子為

治。殿本閣本依詩作樂。只而註中與字亦作只。

玩疏意。似是但案原本。凡傳所引詩樂。只俱作樂旨。

或古本本然。至樂與君子為治。意較明順。今並仍原

本。

十五年傳吾見赤黑之禋。音義禋子鳩反。案鳩當是

鳩字之譌。若閣本作子鳩。反則為秋字音非。

王雖弗遂。註言今雖不能遂。服猶當靜嘿。而便宴樂。又

失禮也。殿本閣本能遂。作遂。能而便作。可便案。

遂服謂遂竟其服非遂能之謂二字不可倒至可使  
宴樂尤與上下文語氣不合

十六年傳幾為之笑而不陵我註言數見笑則心陵侮  
我○心 殿本監本作必案必字較心字為妥今據

改

十七年傳必火入而伏註隨火沒也○沒字正釋伏字  
言必當火入之時與火俱沒他本沒作行失伏字之  
義

而錄  
瑞瑤

春秋經傳集解昭公五第二十四

杜氏 盡二十二年

經十有八年春王三月曹伯須卒未同盟而

夏五月壬午宋衛陳鄭災來告故書六月邾

人入郕郕國今琅邪開陽縣秋葬曹平公冬

許遷于白羽自葉遷也畏鄭而樂遷故

傳十八年春王二月乙卯周毛得殺毛伯過

毛伯過周大夫得而代之代居萇弘曰毛得

過之族○過平聲

一

必亡是昆吾稔之日也。侈故之以也。昆吾，夏伯

侈惡積熟。以乙卯日而毛得以濟侈於王都。

不亡何待。毛伯奔楚。傳三月。曹平公卒。會葬。

見原伯。夏五月。火始昏見。火。心星。丙子。風。

梓慎曰。是謂融風。火之始也。東北曰融風。融

故曰火。七日。其火作乎。從丙子至壬午七日。

知當。戊寅風甚。壬午大甚。宋衛陳鄭皆火。梓

慎登大庭氏之庫以望之。大庭氏。古國名。在

昭十八年

魯城內。魯於其處。

作庫。高顯。故登以望氣。曰。宋衛陳鄭也。數日。

皆來告火。言經所以書。禘竈曰。不用吾言。鄭

又將火。子產不聽。今復請用之。鄭人請用

之。信竈。子產不可。子大叔曰。寶以保民也。若

有火國幾亡。可以救亡。子何愛焉。子產曰。天

道遠。人道邇。非所及也。何以知之。竈焉知天

道。是亦多言矣。豈不或信。多言者。或時有中

遂不與。亦不復火。竈猶言天道難明。雖禘之

未災也。里析告子產曰：將有大祥。里析，鄭大夫。

之民震動，國幾亡。吾身泯焉，弗良及也。言將先災。

死。○先國遷，其可乎？子產曰：雖可，吾不足以

定遷矣。子產知天災不可逃，非及火里析死。

矣。未葬，子產使輿三十人遷其柩。以其嘗與

火作，子產辭晉公子公孫于東門。晉人新來，未入，故辭。

不使使司寇出新客。新來聘者，禁舊客勿出於宮。

為其知國情，使子寬子上巡羣屏攝，至于大

昭十八年

宮。二子，鄭大夫。屏攝，祭祀之位。犬宮，鄭祖廟。巡，行宗廟，不得使火及之。○屏，上聲。使

公孫登徙大龜。登，開十。使祝史徙主，祔於周

廟，告于先君。祔，廟主石函。周廟，厲王廟也。有

音石。○使府人、庫人各做其事。做，備也。商成公做

司宮。商成公，鄭大夫。司宮，巷伯寺人之官。出舊宮，人寘諸火所

不及。舊宮，人先。司馬司寇列居火道。備非行

火所燬。燬，許斬反。城下之人伍列登城。為部

城備。明日，使野司寇各保其徵。野，司寇。縣，士

姦也。

四方乃聞災。故戒。郊人助祝史除於國北。為祭

處於國北者。禳火于玄冥回祿。玄冥水神。回祿火神。祈

于四鄙。鄙。城也。城積土。陰氣所聚。故祈書焚

室而寬其征。與之材。征。賦也。三日哭。國不市。示

會。不使行人告於諸侯。宋衛皆如是。陳不救

火。許不弔災。君子是以知陳許之先亡也。不義

所以。六月。邠人藉稻。邠。姓國也。其君自出

云。邠人襲邠。邠人將閉門。邠人羊羅攝其首。

昭十八年

焉。斬得。閉。遂入之。盡俘以歸。邠子曰。余無歸

矣。從幣於邠。邠莊公反。邠夫人而舍其女。為明

年。宋伐邠。起。秋。葬曹平公。往者見周原伯魯。

焉。原。伯魯。與之語。不說學。歸以語閔子馬。閔

子馬曰。周其亂乎。夫必多有是說。而後及其

大人。國亂俗壞。言者適多。漸以及大。大人患

失而惑。又曰。可以無學。無學不害。患。有學而

惑。其不害而不學。則苟而可。以為無害。遂不

意。其不害而不學。則苟而可。以為無害。遂不

於是乎下陵上替。能無亂乎？夫學殖也。不學

將落原氏。其亡乎？殖。生長也。言學之進德。如農之。殖苗。日新。日益。○殖。

時力七月。鄭子產為火故。大為社。為。治也。○為。火于偽。

反。下將被禳於四方。振除火災禮也。○振。弃也。被。芳也。

佛乃簡兵大蒐。將為蒐除。治兵於廟。城內。子地。迫。故。除。廣之。

大叔之廟在道南。其寢在道北。其庭小。庭。蒐場也。

過期三日。處小。不得一時。畢。○處。昌慮反。使除徒陳於道南

廟北。曰。子產過女。而命速除。乃毀於而鄉。女。而。

昭十八年

也。毀女所鄉。○女。音汝。鄉。許亮反。子產朝。朝。過而怒之。怒。不

除者南毀。子產及衝。使從者止之。曰。毀於北

方。言子產仁。不火之作也。子產授兵登陴。子

大叔曰。晉無乃討乎？辭。晉公子孫而授兵。似若叛。晉。子產

曰。吾聞之。小國忘守則危。況有災乎？國之不

可。小有備故也。既。晉之邊吏讓鄭曰。鄭國有

災。晉君大夫不敢寧居。卜筮走望。不愛牲玉。

鄭之有災。寡君之憂也。今執事擗然授兵登

乾隆四十八年 春秋左傳卷之五

武英殿快本

陴○攔然勁忿貌將以誰罪。邊人恐懼，不敢不

告。子產對曰：若吾子之言，敝邑之災，君之憂

也。敝邑失政，天降之災。又懼讒慝之間謀之

以啓貪人，荐為敝邑不利。間去聲以重君

之憂，幸而不亡，猶可說也。說解不幸而亡，君

雖憂之，亦無及也。鄭有他竟，望走往晉。雖言與鄭

他國為竟，每瞻既事晉矣，其敢有二心。子傳言

望晉歸赴之備楚左尹王子勝言於楚子曰：許於鄭，仇敵

昭八年

也。而居楚地，以不禮於鄭。十五年平王復遷

恃楚而晉鄭方睦，鄭若伐許，而晉助之，楚喪

地矣。君盍遷許，許不專於楚。自以舊國不鄭

方有令政，許曰：余舊國也。許先鄭曰：余俘邑

也。隱十一年鄭滅許而葉在楚國方城外之

蔽也。復存之故曰我俘邑土不可易。易輕也國不可

小。鄭謂許不可俘，讎不可啓。君其圖之。楚子說

冬，楚子使王子勝遷許於析，實白羽。於傳時

乾隆四十八年

六



武英殿  
宋本  
卷之四  
六

經十有九年春宋公伐邾邾為夏五月戊辰許

世子止弒其君買加弒者責止不舍己卯地

震無傳秋齊高發帥師伐莒冬葬許悼公無傳

傳十九年春楚工尹赤遷陰于下陰陰縣今屬南鄉

郡令尹子瑕城邾叔孫昭子曰楚不在諸侯

矣其僅自完也以持其世而已遷陰城邾皆欲以自完守

楚子之在蔡也蓋為大夫時往聘蔡鄖陽封人之女奔

昭十九年

之生太子建鄖陽蔡邑及即位使伍奢為

之師伍奢伍舉之子費無極為少師無寵

焉欲譖諸王曰建可室矣室妻王為之聘於

秦無極與逆勸王取之正月楚夫人嬴氏室

自秦王自取之故稱夫人至為下邾夫人宋

向戌之女也故向寧請師寧向戌子也請於

亮反二月宋公伐邾圍蟲三月取之蟲邾

書圍取不以告乃盡歸邾俘夏許悼公瘞五

乾隆四十八年

春秋

七

月戊辰飲天子止之藥卒止獨進藥不由大

子奔晉書曰弑其君君子曰盡心力以事君

舍藥物可也藥物有毒當由醫非凡人所知

名○舍邾人邾人徐人會宋公乙亥同盟于

蟲終○邾五兮反邾事楚子為舟師以伐濮濮南

費無極言於楚子曰晉之伯也邇於諸夏而

楚辟陋故弗能與爭若大城城父而寘天子

焉城父今襄城城父縣○伯以通北方王收

昭十九年

南方是得天下也王說從之故天子建居于

城父令尹子瑕聘于秦拜夫人也為明年譜

改以為夫秋齊高發帥師伐莒莒不事莒子

奔紀鄆紀鄆東北莒邑也○東海贛榆縣使孫書伐

之孫書陳無字也初莒有婦人莒子殺其夫已

為嫠婦嫠婦寡婦為嫠○及老託於紀鄆紡焉以

度而去之因紡織連所以紡以度城而藏之以

度待及師至則投諸外投繩城外或獻諸子

洛反

占子占使師夜縋而登登緣繩登者六十人縋

絕師鼓譟城上之人亦譟莒共公懼啓西門

而出七月丙子齊師入紀傳言怨不在大是歲也鄭

駟偃卒子游娶於晉大夫生絲弱子游駟偃也弱幼少

其父兄立子瑕子瑕子游叔父駟乞子產憎其爲人也

憎子且以爲不順舍子立叔弗許亦弗止許

爲違禮止之爲駟氏聳聳懼他日絲以告其

舅冬晉人使以幣如鄭問駟乞之立故駟氏

昭十九年

懼駟乞欲逃子產弗遣請龜以上亦弗予大

夫謀對子產不待而對客曰鄭國不天不獲

寡君之二三臣札瘥天昏大死曰札小疫曰瘥短折曰天未名

昏今又喪我先大夫偃其子幼弱其一二父

兄懼隊宗主私族於謀而立長親於私族之

者長寡君與其二三老曰抑天實剝亂是吾

何知焉言天非國所欲亂駟諺曰無過亂門民有

兵亂猶憚過之而況敢知天之所亂今大夫

將問其故抑寡君實不敢知其誰實知之平

丘之會在十三年古禾反下同過君尋舊盟曰無或失

職若寡君之二三臣其即世者晉大夫而專

制其位是晉之縣鄙也何國之為辭客幣而

報其使晉人舍之遣人報晉使楚人城州來

沈尹戌曰楚人必敗十三年吳縣州來今就

葉公諸梁父也昔吳滅州來在十三年子旗請

伐之王曰吾未撫吾民今亦如之而城州來

昭十九年

以挑吳能無敗乎侍者曰王施舍不倦息民

五年可謂撫之矣戌曰吾聞撫民者節用於

內而樹德於外民樂其性而無寇讎今宮室

無量民人日駭勞罷死轉遷徙也忘

寢與食非撫之也傳言平王所鄭大水龍鬪

于時門之外洧淵時門鄭城門也洧水出滎

入潁國人請為祭焉子產弗許曰我鬪

龍不我覲也覲見也龍鬪我獨何覲焉禳

龍鬪我獨何覲焉禳

禳為命反

龍鬪我獨何覲焉禳

龍鬪我獨何覲焉禳

龍鬪我獨何覲焉禳

龍鬪我獨何覲焉禳

之則彼其室也

淵龍之室

吾無求於龍龍亦無求

於我乃止也

傳言子產之知

今尹子瑕言蹶由於楚

子

蹶由吳王弟五年靈王執以歸○蹶九衛反

曰彼何罪諺所謂

室於怒市於色者楚之謂矣

言靈王怒吳子而執其弟猶人

忿於室家而

舍前之忿可也乃歸蹶由

言楚

用善言

經二十年春王正月夏曹公孫會自鄆出奔

宋

無傳嘗有玉帛之使來告故書

秋盜殺衛

昭十九年

侯之兄絜

謂齊豹作而不得

故書曰盜所冬十

月宋華亥向寧華定出奔陳

與君爭而出皆

戶化反

十有一月辛卯蔡侯廬卒

無傳未同盟

廬力烏反又力於反

傳二十年春王二月己丑日南至

是歲朔旦冬至之歲

也當言正月己丑朔日南至時史失閏閏更

在二月後故經因史而書正月傳更具於二

月記南至日梓慎望氛

氛氣也時魯侯不行

氣曰今茲宋有亂國幾亡三年而後弭蔡有

武英殿宋本 春秋三十四

大喪為宋華向出叔孫昭子曰然則戴桓也

戴族華氏桓族向氏汰侈無禮已甚亂所在也傳言妖

費無極言於楚子曰建與伍奢將以方城之

外叛自以為猶宋鄭也齊晉又交輔之將以

害楚其事集矣王信之問伍奢伍奢對曰君

一過多矣建過納何信於讒王執伍奢忿奢切言

使城父司馬奮揚殺太子未至而使遣之犬知

子寬故遣令去三月太子建奔宋王召奮揚奮揚使

昭二十年

城父人執已以至王曰言出於余口入於爾

耳誰告建也對曰臣告之君王命臣曰事建

如事余臣不佞也佞才也不能苟貳奉初以還初奉

命以周旋不忍後命故遣之既而悔之亦無及已

王曰而敢來何也對曰使而失命召而不來

是再奸也奸犯也使所逃無所入王曰歸

從政如他日善其言無極曰奢之子材若在

吳必憂楚國盍以免其父召之彼仁必來不

乾隆四十八年 春秋三十四

然將為患。王使召之曰：來。吾免而父棠君尚

謂其弟負棠君奢之長子尚也。為棠邑。曰爾

適吳。我將歸死。吾知不逮負。音云。曰。爾

死。爾能報聞免父之命。不可以莫之奔也。親

戚為戮。不可以莫之報也。奔死免父。孝也。度

功而行仁也。仁者貴成功。度待洛反。擇任而往。知也。

報。音。任。音。壬。知死不辟。勇也。尚為。父不可弃。俱去。

父名不可廢廢。俱死。為。廢名。爾其勉之。相從為愈愈。差。

昭二年

也。伍尚歸。奢聞負不來。曰：楚君大夫其盱食

乎。將有吳憂。不得早。食。盱。古。旦。反。楚人皆殺之。負如吳。言

伐楚之利於州于州于。吳。子僚。公子光曰：是宗為

戮而欲反其讎。不可從也。光。吳公子闔。廬也。反。復也。負曰：

彼將有他志。先欲弑僚。不利。負用事。故破其議。而負亦知之。余姑為

之求士。而鄙以待之。計未得用。故進勇士以。求入於光。退居邊鄙。

為。于。乃。見。鱒。設。諸。焉。賢鱒。諸。勇。士。見。音。專。而耕於

鄙。為。二。十。七。年。吳。弑。僚。傳。宋元公無信多私。而惡華向。

乾隆四十八年

廿三

華定華亥與向寧謀曰亡愈於死先諸公恐元殺

已欲先作亂華亥偽有疾以誘羣公子公子惡鳥路反

問之則執之夏六月丙申殺公子寅公子御

戎公子朱公子固公孫援公孫丁拘向勝向

行於其廩八子皆公黨御公如華氏請焉魚呂反又如字

弗許遂劫之公劫癸卯取太子欒與母弟辰公

子地以為質欒景公也辰及地皆元公弟

弟地是辰兄當為元公公亦取華亥之子無之子今作元公弟誤

昭二十年

慙向寧之子羅華定之子啓與華氏盟以為

質為此冬華衛公子孟縶狎齊豹公孟靈公兄

之子為衛司寇狎輕也奪之司寇與鄆鄆音約有役

則反之無則取之繫足不良故有役公孟

惡北宮喜楮師圃欲去之喜貞子公

子朝通于襄夫人宣姜宣姜靈公嫡懼而欲

以作亂故齊豹北宮喜楮師圃公子朝作亂

初齊豹見宗魯於公孟薦達也為驂乘焉見賢遍反



武英殿影宋本 春秋左傳卷之四

為公孟將作亂而謂之曰公孟之不善子所知也勿與乘吾將殺之對曰吾由子事公孟子假吾名焉故不吾遠也言子借我以善名故公孟親迎我與音預又如雖其不善吾亦知之抑以利故不能去是吾過也今聞難而逃是僭子也言不信也子行事乎吾將死之以周事子難乃旦反而歸死於公孟其可也丙辰衛侯在平壽平壽衛下邑公孟有事於蓋獲之門外有事也

昭二十年

蓋獲衛齊子氏帷於門外而伏甲焉齊豹之家使

祝鼂寘戈於車薪以當門要其前也使一

乘從公孟以出亦如前車寘戈於薪尋其後使

華齊御公孟宗魯驂乘及閔中閔曲門中華戶化反

齊氏用戈擊公孟宗魯以背蔽之斷肱以中

公孟之肩皆殺之公聞亂乘驅自閔門入慶

比御公公南楚驂乘使華寅乘貳車公副車

及公宮鴻駟駘駟乘于公

管反中丁仲反比如字又毗志反

春秋左傳卷之四

武英殿傳本

鴻駟駟復就公乘一車公載寶以出楮師子

申遇公于馬路之衢遂從從公出過齊氏

使華寅肉袒執蓋以當其闕肉袒示不敢與

公而去闕空也以蓋齊氏射公中南楚之背

公遂出寅閉郭門不欲今追者出踰而從公

公如死鳥死鳥衛地析朱鉏宵從

竇出徒行從公朱鉏成子黑背齊侯使公孫

青聘于衛青頃公之孫既出聞衛亂使請所

昭二十年

聘公曰猶在竟內則衛君也乃將事焉將事

遂從諸死鳥請將事辭曰亡人不佞音境

失守社稷越在草莽吾子無所辱君命賓曰

寡君命下臣於朝曰阿下執事阿比也命已

臣不敢貳貳違主人曰君若惠顧先君之好

照臨敝邑鎮撫其社稷則有宗祧在言受聘

也乃止聘事不行衛侯固請見之欲與青不獲

命以其良馬見以為相見之禮為未致使

乾隆四十八年

故也禮未致使。故不敢以容。衛侯以為乘馬其喜

敬已。故貴其物。賓將振振。行夜。○振。側九

孟反。主人辭曰。亡人之憂。不可以及吾子。草莽

之中。不足以辱從者。敢辭。賓曰。寡君之下臣。

君之牧圉也。若不獲扞外役。是不有寡君也。

有。相親有。臣懼不免於戾。請以除死。親執

鐸。終夕與於燎。設火燎以備守。○與音預。下

反。齊氏之宰渠子。召北宮子。北宮喜也。北宮氏之

昭二十年

宰不與聞。謀殺渠子。遂伐齊氏。滅之。丁巳晦。

公入。與北宮喜盟于彭水之上。喜本與齊氏

與喜盟。秋七月。戊午朔。遂盟國人。八月。辛亥。公

子朝。楮師。圃子玉霄。子高魴。出奔晉。皆齊氏

月。戊辰。殺宣姜。與公子朝衛侯賜北宮喜諡。

曰貞子。滅齊氏故。析朱鉏。諡曰成子。霄從而以

齊氏之墓。予之。皆未死而賜諡及衛侯告寧

于齊。且言子石。子石。公孫青。齊侯將飲酒。徧

乾隆四十八年

卷

賜大夫曰二三子之教也喜青敬苑何忌辭

曰與於青之賞必及於其罰何忌齊大夫言

并受其罰在康誥曰父子兄弟罪不相及

尚書況在羣臣臣敢貪君賜以干先王賜則受

犯康誥琴張聞宗魯死琴張孔子弟子將往

弔之仲尼曰齊豹之盜而孟縶之賊女何弔

焉言齊豹所以為盜孟縶所以君子不食女

其知公孟不善而受不受亂許豹行事不為利

昭二十年

疚於回是疚病回邪也以利故不能去不以回

待人待知難不告是以不蓋不義以周事豹

不犯非禮繫是二心宋華向之亂公子城公平

子公孫忌樂舍喜孫樂司馬彊向宜向鄭皆宜鄭

子戌楚建楚平王之鄉甲小邾穆公子出奔鄭

八子宋大夫皆其徒與華氏戰于鬼閭八子

公黨辟難出其徒與華氏戰于鬼閭之徒

亭也敗于城子城適

晉子城為華氏所敗別走至晉華亥與其妻

乾隆四十八年

春秋左傳

卷之四

武英殿影宋本 春秋左傳卷之四

必盟而食所質公子者而後食公與夫人每  
日必適華氏食公子而後歸華亥患之欲歸  
公子向寧曰唯不信故質其子若又歸之死  
無日矣公請於華費遂將攻華氏費遂大司馬華氏族  
○監古緩反而食音嗣下同質音致對曰臣不敢愛死無乃求  
去憂而滋長乎○起呂反長丁丈反臣是以  
懼敢不聽命公曰子死亡有命余不忍其詢  
詢恥也許候反冬十月公殺華向之質而攻之戊

昭二十年

昭二十年

辰華向奔陳華登奔吳登費遂之子向寧欲  
殺大子華亥曰干君而出又殺其子其誰納  
我且歸之有庸功善以為使少司寇慳以歸三以  
公子歸公也慳華亥庶兄○慳苦耕反曰子之齒長矣不能事  
人以三公子為質必免質信也送公子歸可  
質如公子既入華慳將自門行門從去公遽見  
之執其手曰余知而無罪也入復而所而女所  
所居齊侯疥遂疢疢瘧疾○失廉反期而不瘳諸侯

乾隆四十八年 卷之四

之賓問疾者多在期音基。梁丘據與裔款

二子齊言於公曰。吾事鬼神豐於先君有加

矣。今君疾病為諸侯憂。是祝史之罪也。諸侯

不知其謂我不敬。君盍誅於祝固。史嚚以辭

賓。疾欲殺嚚固。以辭謝來問。公說告晏子。晏子

曰。日宋之盟。日往日也。宋盟在襄屈建問范

會之德於趙武。趙武曰。夫子之家事治。言於

晉國。竭情無私。其祝史祭祀。陳信不愧。其家

昭二十年

事無猜。其祝史不祈。家無猜疑之事。故祝史

反。建以語康王。楚王。魚據反。康王曰。神人無怨。

宜。夫子之光輔五君。以為諸侯主也。五君。文。襄。靈。成。

景公曰。據與款謂寡人能事鬼神。故欲誅於

祝史。子稱是語。何故對曰。若有德之君。外內

不廢。無廢事。上下無怨。動無違事。其祝史薦信。

無愧心矣。君有功德。祝史是以鬼神用饗國

受其福。祝史與焉。與受國福。其所以蕃社老

壽者為信君使也。其言忠信於鬼神，其適遇  
 淫君，外內頗邪。上下怨疾，動作辟違，從欲厭  
 私。使私情厭足。頗，普何反。辟，匹亦反。從，子用反。下淫從同。或如字。厭，於豔反。高  
 臺深池，撞鐘舞女，斬刈民力，輸掠其聚。掠，奪取也。  
 音亮。掠，音亮。以成其違，不恤後人，暴虐淫從，肆行非  
 度，無所還忌。還，猶也。不思謗讟，不憚鬼神，神怒  
 民痛，無悛於心。其祝史薦信，是言罪也。以實  
 是為言其蓋失數美，是矯誣也。蓋，掩也。數，所主反。進  
 君之罪。

昭二十年

退無辭，則虛以求媚。求媚，作虛辭。是以鬼神不  
 饗其國，以禍之。祝史與焉，所以天昏，孤疾者  
 為暴君使也。其言僭慢於鬼神，公曰：「然則若  
 之何？」對曰：「不可為也。」言非誅祝史所能治。山林之木，衡  
 鹿守之，澤之萑蒲，舟鮫守之，藪之薪蒸，虞侯  
 守之，海之鹽蜃，祈望守之。衡，鹿舟鮫虞侯祈望皆官名也。言公  
 專守山澤之利，不與民共。萑，音丸。蜃，市軫反。縣鄙之人，入從其政。  
 偏介之關，暴征其私。介，隔也。鄙，迫近。國都之關，言邊鄙既入服政役，又

武英殿

卷之三十四

三

為近關其所征稅在暴奪其承嗣大夫強易其

賄者承嗣大夫世位反布常無藝布藝法無制也言徵

斂無度宮室日更淫樂不違也違去內寵之妾

肆奪於市肆放外寵之臣僭令於鄙許為教

鄙私欲養求不給則應給養長也所求不以罪民人

苦病夫婦皆詛祝有益也詛亦有損聊攝以

東聊攝齊西界也平原聊城縣東姑尤以西

皆姑尤齊東界也姑水尤水其為人也多矣雖

昭二十年

其善祝豈能勝億兆人之詛萬萬曰億兆君若

欲誅於祝史脩德而後可公說使有司寬政

毀關去禁薄斂已責除逋責去起呂反斂

胡十二月齊侯田于沛言疾愈行獵沛音貝招虞

人以弓不進虞人掌山公使執之辭曰昔我

先君之田也旃以招大夫弓以招士皮冠以

招虞人臣不見皮冠故不敢進乃舍之仲尼

曰守道不如守官君招不當往道之制也君子

乾隆四十八年

卷之三十四

三



韙之也。是齊侯至自田。晏子侍于遄臺。子猶

馳而造焉。子猶。梁丘據。造。七報反。公曰。唯據與我

和夫。晏子對曰。據亦同也。焉得為和。公曰。和

與同異乎。對曰。異。和如羹焉。水火醯醢鹽梅

以烹魚肉。燂之以薪。燂。炊也。夫。音扶。宰夫

和之。齊之以味。濟其不及。以洩其過。濟。益也。洩。減也。

○齊。才細反。又。如字。君子食之以平其心。君臣亦然。如亦

羹。君所謂可而有否焉。否。不也。臣獻其否。以成

昭二十年

其可。以獻君之否。君所謂否。而有可焉。臣獻其

可以去其否。是以政平而不干。民無爭心。故

詩曰。亦有和羹。既戒既平。詩。頌。殷。中宗。言。中

可。否。其。政。如。羹。敬。戒。且。平。和。羹。備。五。味。異。於。大。羹。○和。齊。竝。如。字。一。讀。上。戶。卧。反。下。才。細。

反。駸。嘏。無。言。時。靡。有。爭。駸。總。也。嘏。大。也。言。總。大。政。能。使。上。下。皆。如。

和。羹。○。駸。子。工。反。嘏。古。雅。反。先王之濟五味。成。和。五。聲。

也。以平其心。成其政也。聲亦如味。一氣。須。氣

二體。舞。者。有。文。武。三類。頌。風。雅。四物。雜。用。四。方。之。五。物。以。成。器。

乾隆四十八年

聲宮商角徵羽六律黃鍾大蕤姑洗蕤實夷則無射也七音周武王伐紂自午

十二月氣反七音亦七音及子凡七日王因

此以數合之以聲昭之故以七音八風八方九

歌九功之德皆可歌也六府三事謂之九功

也生以相成也後相成為和樂清濁小大短長

疾徐哀樂剛柔遲速高下出入周疏以相濟

也周密君子聽之以平其心心平德和故詩

曰德音不瑕詩函風也義取心無瑕闕今據不然君

昭二十年

所謂可據亦曰可君所謂否據亦曰否若以

水濟水誰能食之若琴瑟之專壹誰能聽之

同之不可也如是飲酒樂公曰古而無死其

樂若何晏子對曰古而無死則古之樂也君

何得焉昔爽鳩氏始居此地爽鳩氏少皞也季

荝因之季荝虞夏諸侯代爽有逢伯陵因之

逢伯陵殷姓蒲姑氏因之蒲姑氏殷周之而後

大公因之古若無死爽鳩氏之樂非君所願

也齊侯甘於所樂志於不死鄭子產有疾謂

子大叔曰我死子必為政唯有德者能以寬

服民其次莫如猛夫火烈民望而畏之故鮮

死焉水懦弱民狎而翫之狎輕也則多死焉故

寬難治以疾數月而卒大叔為政不忍猛而

寬鄭國多盜取人於萑苻之澤萑苻澤名於

蒲音九符音又如字大叔悔之曰吾早從夫子不及

此興徒兵以攻萑苻之盜盡殺之盜少止仲

昭二十年

尼曰善哉政寬則民慢慢則糾之以猛糾猶

猛則民殘殘則施之以寬寬以濟猛猛以濟

寬政是以和詩曰民亦勞止汙可小康惠此

中國以綏四方施之以寬也詩大雅汙其也

厲王暴虐民勞於苛政故詩人刺母從詭隨

之欲其施之以寬○汙許乙反

從詭人隨人無正心不可以謹無良謹勅也式遏

寇虐慘不畏明糾之以猛也式用也遏止也

當用猛政糾治之亦柔遠能邇以定我王平

之以和也近者各以能進也。遠者懷附。又曰不

競不綈不剛不柔詩殷頌言湯政得中和。競

布政優優百祿是適適優優和也。適聚也。○和

之至也及子產卒仲尼聞之出涕曰古之遺

愛也子產見愛有古人之遺風。

經二十有一年春王三月葬蔡平公夏晉侯

使士鞅來聘晉頃公即宋華亥向寧華定自

陳入于宋南里以叛自外至故曰入。披其邑

昭十年

名彼反披秋七月壬午朔日有食之八月乙亥

叔輒卒子叔張之冬蔡侯朱出奔楚朱為大子

故微弱為國人所逐公如晉至河乃復晉人辭

傳二十一年春天王將鑄無射周景王也。無

無射音亦泠州鳩曰王其以心疾死乎泠州鳩其

力丁也反冷夫樂天子之職也職所夫音樂之

輿也樂因音而鐘音之器也音由器天子省

風以作樂省風俗作器以鍾之鍾聚音也。以輿

乾隆四十八年

以行之樂須音小者不窳窳他細不滿大者

不槲槲橫大不入則和於物物和則嘉成樂嘉

也故和聲入於耳而藏於心心億則樂也億安

窳則不咸字不充滿人心咸如槲則不容不心

堪容心是以感感實生疾今鐘槲矣王心弗堪

其能久乎王崩傳三月葬蔡平公蔡大子

朱失位位在卑不在適子位大夫送葬者歸

見昭子昭子問蔡故以告昭子歎曰蔡其亡

昭二十六年

乎若不亡是君也必不終詩曰不解于位民

之攸暨詩大雅暨息也今蔡侯始即位

而適卑身將從之為蔡侯朱夏晉士鞅來聘

叔孫為政叔孫昭子以季孫欲惡諸晉憎叔

已上位欲使得罪使有司以齊鮑國歸費之

禮為士鞅鮑國歸費在十四年牢禮各如其

為音祕反士鞅怒曰鮑國之位下其國小而

使鞅從其牢禮是卑敝邑也將復諸寡君魯

人恐加四牢馬為十一牢言魯不能以禮事大國且為哀七年

吳徵百宋華費遂生華貙公御士華多僚華登貙為

少司馬多僚為御士貙勅俱反與貙相惡乃

譖諸公曰貙將納亡人亡人華亥等如字又鳥路反惡嘔

言之公曰司馬以吾故亡其良子司馬謂費

馬良子謂華登死亡有命吾不可以再亡之

對曰君若愛司馬則如亡君若愛大司馬死

如可逃何遠之有言亡可以逃死勿公懼使

昭二十年

侍人召司馬之侍人宜僚飲之酒而使告司

馬告司馬使逐貙司馬歎曰必多僚也吾有

讒子而弗能殺吾又不死抑君有命可若何

乃與公謀逐華貙將使田孟諸而遣之公飲

之酒厚酬之幣酬酒賜及從者司馬亦如之亦

公賜張勾尤之張勾華貙臣曰必有故

使子皮承宜僚以劍而訊之子皮華貙宜僚

盡以告告欲因田張勾欲殺多僚子皮曰司

馬老矣登之謂甚言登亡傷司馬心已甚吾又重之不

如亡也五月丙申子皮將見司馬而行則遇

多僚御司馬而朝張匄不勝其怒遂與子皮

曰任鄭翩殺多僚任翩亦韞家臣重直用反見音現勝音升任音壬

劫司馬以叛而召亡人壬寅華向入樂大心

豐愆華恠禦諸橫梁國睢陽縣南有橫亭華氏居盧門

以南里叛盧門宋東城南門六月庚午宋城舊鄘及

桑林之門而守之舊鄘故城也桑林城門名秋七月壬午

昭二十年

朔日有食之公問於梓慎曰是何物也禍福

何為也物事也對曰二至二分二至冬至夏至二分春分秋分日

有食之不為災日月之行也分同道也至相

過也二分日夜等故言同道其他月則為災

陽不克也故常為水陰侵陽是於於是叔輒哭

日食意在於昭子曰子叔將死非所哭也八

月叔輒卒冬十月華登以吳師救華氏登前年奔

吳齊烏枝鳴戌宋烏枝鳴大夫廚人濮曰濮宋廚邑大夫

軍志有之。先人有奪人之心。後人有待其衰。蓋及其勞且未定也。伐諸若入而固。則華氏眾矣。悔無及也。從之。丙寅。齊師。宋師。敗吳帥于鴻口。梁國睢陽縣東有鴻口亭。先悉薦反。後戶豆反。獲其二師。公子苦雒。偃州負。二帥。吳大夫。舍反。負音云。又音圓。華登帥其餘。吳餘師。以敗宋師。公欲出。出奔。廚人濮曰。吾小人可藉死。死可借使。而難。而不能送亡君。請待之。請君待復戰。決勝負。絕句。乃徇曰。揚徽者公

昭十年

徒也。徽。識也。志反。又昌志反。眾從之。公自揚門見之。

見國人皆揚徽。睢下而巡之。曰。國亡君死。二

三子之恥也。豈專孤之罪也。齊烏枝鳴曰。用

少莫如齊致死。齊致死莫如去備。備。長兵也。去起呂。

彼多兵矣。請皆用劍。從之。華氏北。復即之。

北。敗走。廚人濮以裳裹首。而荷以走。曰。得華登

矣。遂敗華氏于新里。新里。華氏所取邑。荷何可反。又音何。翟

偃新居于新里。既戰。說甲于公而歸。居華氏地而助。

乾隆四十八年

春秋左傳



公戰。○說他活反。力主。華姓居于公里亦如之。氏華族。

不助。華氏亦如。○他口反。些才斯反。又音紫。軍。

十一月癸未。公子城以晉師至。晉城。今還救宋。

曹翰胡。曹大夫。且反。翰音。會晉荀吳。中行穆子。

反齊苑何忌。夫齊大。衛公子朝。晉前年出奔。今還救宋。

丙戌與華氏戰于赭丘。赭丘。宋地。鄭翩願為

鶴其御。願為鶩。鄭翩。華氏黨。鶩。皆陳名子。

祿御公子城。莊董為右。子董。音謹。干犖御呂

昭二十一年

封人華豹。張匄為右。呂封人。華豹。華氏相遇。

城還。華豹曰。城也。城怒而反之。怒其呼已。將

注。豹則關矣。注。傳。矢。關。引弓。注。曰。平公

之靈尚輔相余。平公。公子。豹射出其間。出子

亦反。又食夜。反將注。則又關矣。曰。不狎鄙。狎。更

音也。更抽矢。不射。城射之。殪張匄。抽矢而

下。音殊。長。直。亮。反。又。如。字。射之。折股。扶伏而

擊之。折軫。折。城。車。軫。音。蒲。下。蒲。北。反。或。作。匍。匍。

同又射之死死勾干孳請一矢死求城曰余言女

於君欲活之對曰不死伍乘軍之大刑也

同乘共伍當皆死。乘繩證反。干刑而從子。君焉用之。子速

諸乃射之。殪死孳又大敗華氏圍諸南里。華亥

搏膺而呼見華貊曰吾為欒氏矣晉欒盈還

後亡死。事在襄二十三年。搏音博。呼好故反。使華登如楚乞師。華貊以車

十五乘。徒七十人犯師而出犯公師出食於

昭二十年

睢上哭而送之。乃復入入南里。睢音雖。楚遠越帥

師將逆華氏。大宰犯諫曰。諸侯唯宋事其君。

今又爭國。釋君而臣是助。無乃不可乎。王曰。

而告我也。後既許之矣為明年華向出奔蔡

侯朱出奔楚。費無極取貨於東國東國。隱大

將立東國。若不先從王欲。楚必圍蔡。蔡人懼。

出朱而立東國。朱愬于楚。楚子將討蔡。無極

侯廬之弟也而謂蔡人曰。朱不用命於楚。君王

將立東國。若不先從王欲。楚必圍蔡。蔡人懼。

出朱而立東國。朱愬于楚。楚子將討蔡。無極

出朱而立東國。朱愬于楚。楚子將討蔡。無極

曰平侯與楚有盟故封盟于鄧依陳蔡人以國其子有

二心故廢之朱也謂子靈王殺隱太子其子與君

同惡德君必甚又使立之不亦可乎且廢置

在君蔡無他矣言權在楚則蔡無他心公如晉及河鼓

叛晉叛晉屬鮮虞晉將伐鮮虞故辭公將有軍事無暇於待

賓且懼泄軍謀

經二十有二年春齊侯伐莒宋華亥向寧華

定自宋南里出奔楚言自南里別從國去別彼列反大蒐

昭二十二年

于昌閒無傳閒如字夏四月乙丑天王崩六月叔

鞅如京師葬景王叔鞅叔弓子三月而葬王

室亂承叔鞅言而書之未劉子單子以王猛

居于皇河南鞏縣西南有黃亭辟子朝難出居皇王猛書名未即位

秋劉子單子以王猛入于王城王城南郊鄆今河南縣晉助

還猛故得王都冬十月王子猛卒未即位故十有二

月癸酉朔日有食之無傳此月有庚戌又以長曆推校前後當為癸

卯朔書  
癸酉誤

傳二十二年春王二月甲子齊北郭啓帥師

伐莒啓齊大夫北郭佐之後莒子將戰苑羊牧之諫之牧

莒大夫元反曰齊帥賤其求不多不如下之大

國不可怒也弗聽敗齊師于壽餘莒地反下

齊侯伐莒怒敗莒子行成司馬竈如莒泣盟竈齊

大夫莒子如齊泣盟盟于稷門之外稷門齊城門也莒

於是乎大惡其君為明年莒子來奔楚遠越

使告于宋曰寡君聞君有不令之臣為君憂

昭二十二年

昭五十五

無寧以為宗羞無寧寧也言華氏為宋宗廟之羞恥寡君請受

而戮之對曰孤不佞不能媚於父兄華向公族也故

稱父以為君憂拜命之辱抑君臣日戰君曰

余必臣是助亦唯命人有言曰唯亂門之無

過君若惠保敝邑無亢不衷以獎亂人孤之

望也唯君圖之楚人患之患宋以義距之過古禾反亢苦浪

反衷諸侯之成謀曰若華氏知因而致死楚

恥無功而疾戰非吾利也不如出之以為楚

功其亦無能為也已言華氏不能復為宋患救宋而除

其害又何求乃固請出之宋人從之己巳宋

華亥向寧華定華貙華登皇奄傷省臧士平

出奔楚華貙以下五子不書非卿宋公使公

孫忌為大司馬費遂邊印為大司徒印平公

華定印樂祁為司城祁子罕孫仲幾為左

師幾仲江孫代向樂大心為右師亥代華樂輓

為大司寇輓子罕孫以靖國人終梓慎之言

昭王年

昭王年

王子朝賓起有寵於景王子朝景王之長庶

朝如字凡人名字皆張遙反或云朝錯王

與賓孟說之欲立之孟即起也王語賓孟欲

字又劉獻公之庶子伯蚩事單穆公獻公劉

劉狄穆公單旗惡賓孟之為人也願殺

之又惡王子朝之言以為亂願去之子朝有

言故劉蚩惡之賓孟適郊見雄雞自斷其

尾問之侍者曰自憚其犧也畏其為犧牲奉

武英殿仿宋本

管反。丁遽歸告王。且曰：雞其憚為人用乎？人

異於是。見雞犧雖見寵飾，然卒當見殺。若人犧

者，實用人。人犧實難，已犧何害？言設使寵人

宜假人以招禍難，使犧在已則無。王弗應。五

患害已喻子朝欲使王早寵異之。子朝而未

年，大子壽卒。王立子猛，後復欲立子朝，而未

定。賓孟感雞盛稱子朝，王心許之，故不應。

子劉子北山洛北芒也。王知單劉不欲立。王

有心疾。乙丑崩于榮錡氏。四月十九日。河南鞏縣西有榮錡澗。

昭二十二年

昭二十五年

緝反。魚戊辰，劉子摯卒。二十日無子，單子立。劉

盆盆事單五月庚辰，見王。見王猛。遂攻賓

起殺之。黨子朝故。盟羣王子于單氏。王子猛次正。

懼諸王。子或黨晉之取鼓也。在十年。既獻而反。

鼓子焉。廟獻於又叛於鮮虞。鮮虞屬六月，荀吳

略東陽。略，行也。東陽，晉之山東邑。魏使師偽

糴者，負甲以息於昔陽之門外。昔陽，故肥子

狄。遂襲鼓，滅之。以鼓子鳶鞮歸，使涉佗守之。

乾隆四十八年

卷之六

守鼓之地。涉佗。晉大夫。○馮丁巳葬景王。王

子朝因舊官百工之喪職秩者與靈景之族

以作亂百工百官也。靈王景王帥郊要餞之

甲三邑周地。要一以逐劉子逐伯壬戌劉

子奔揚揚周單子逆悼王于莊宮以歸悼王

也王子還夜取王以如莊宮王子還子朝黨

故取之猛癸亥單子出失王故王子還與召莊

公謀莊公召伯魚子朝曰不殺單旗不捷單旗

昭二十一年

昭二十一年

也子與之重盟必來背盟而克者多矣從之從

謀也音佩樊頃子曰非言也必不克頃子樊齊

傾音遂奉王以追單子王子還及領大盟而

復領周地欲重盟令殺摯荒以說委罪於荒

又音劉子如劉歸其單子亡乙丑奔于平時

故平時周地知王子還欲背盟羣王子追之單

子殺還姑發弱駸延定稠八子靈景之族子

朝奔京其黨丙寅伐之單子京人奔山劉子

入于王城子朝奔京辛未鞏簡公敗績于京

乙亥甘平公亦敗焉甘鞏二公周卿士皆為子朝所敗叔鞅

至自京師王葬景還言王室之亂也經所閔馬父

曰子朝必不克其所與者天所廢也閔馬父

謂羣喪職秩者單子欲告急於晉秋七月戊

寅以王如平時遂如圃車次于皇出次以示急戊寅七月

六月三日經書劉子如劉單子使王子處守于

王城王子處子猛黨盟百工于平宮平宮平王廟

昭二年

辛卯鄆肸伐皇鄆肸子朝黨大敗獲鄆

肸壬辰焚諸王城之市焚鄆八月辛酉司徒

醜以王師敗績于前城醜悼王司徒前百工

叛司徒醜己巳伐單氏之宮敗焉百工伐單氏

所敗庚午反伐之單氏反辛未伐東園百工所

東園有冬十月丁巳晉籍談荀躒帥九州之

戎九州戎陸渾戎十七年滅屬晉州及焦瑕

溫原之師焦瑕溫原以納王于王城丁巳在



書秋。庚申。單子。劉盆。以王師敗績于郊。為子朝之

敗黨所。前城人敗陸渾于社。前城。子朝地。十一月

乙酉。王子猛卒。乙酉。在十一月。經書十月。誤。

不成喪也。稱王所以不崩。已丑。敬王即位。敬王。王母

弟王。館于子旅氏。子旅。周大夫。十二月。庚戌。晉籍

談。荀躒。賈辛。司馬督。帥師軍于陰。籍。談所軍。

于侯氏。荀躒所軍。于谿泉。賈辛所軍。鞏縣。次于社

所。次。王師軍于汜。于解。次于任人。王師分邑。

昭二十一年

昭二十一年

舉人引真...

洛陽西南有大解小解。閏月。晉箕遺樂徵。汜音凡。解音蟹。任音王。

右行詭。濟師取前城。三子音大夫。濟師。渡伊。

反軍其東南。王師軍于京楚。辛丑。伐京。毀其

西南。京楚。子朝所在。

春秋經傳集解昭公五第二十四

乾隆四十八年

三十一



春秋卷二十四考證

相臺岳氏刻  
梓荆谿家塾

項氏萬葵  
堂圖籍

舉人臣虞衡寶敬書

昭二十五年

春秋卷二十四考證

十八年傳夫學殖也註如農之殖苗日新日益。案日新日益猶疏言日長日進也。殿本閣本作日新月益亦通。

十九年傳楚工尹赤遷陰於下陰註陰縣今屬南鄉郡。案晉書地理志南鄉郡所屬有陰縣。殿本閣本南鄉郡作南鄉縣誤。令尹子瑕聘於秦拜夫人也註為明年譖太子張本改以為夫人遣謝秦。案為明年句是結太子建居城父以上一段改以為夫人句方釋令尹子瑕二句須

分看始得前聘秦嬴本以妻建今楚子自取之故云  
改以爲夫人後人不察改字之義易以故字則文義  
似承爲明年句直下失之遠甚

二十年傳賜析朱鉏諡曰成子註霄從公故。案霄當  
係宵訛前文析朱鉏宵從竇出徒行從公是也今改

正

鄖甲。殿本閣本作鄖申而後文季公鳥娶妻於齊  
生申傳又作生甲前後互異惟彙纂定本及杜林合  
註諸本均與原本同。諸本作齊益  
濟其不及以洩其過註濟益也洩滅也。諸本作齊益

也洩滅也案上文齊之以味齊字疏謂使酸醎適中  
則此益也句自釋濟字蓋不及則須益而過則當減  
洩者乃減汰之非減去之也觀疏濟益其所不足泄  
減其味太過二語則知諸本濟固誤齊而原本減亦  
誤滅確無疑義

二十二年傳邊印爲大司徒。印 殿本閣本作印案  
音義五郎反則當從印若印乃邛字之譌音渠容反  
蜀郡臨邛是也

辛丑伐京毀其西南。此句下唐石經有子朝奔郊四  
字

字任於京選其西南。此字不魯以豨齊千陳奔波四  
置泚調中長山

音辨五德又限音對中音中八平字之編音果容又  
二十二平韻夢中為大同音。中一燥本閣本非中案

晴燥郭無疑難

燥其和太殿二請限味請本齊固是齊而原本燥亦

齊亦以燥太之非燥去之也購燥齊益其怕不疑燥

燥地益山自自霖齊字蓋不以限燥益而殿限當燥

出更燥山案上文齊之以和齊字燥罪刻類燥中

